

Sumbangan Wan Akma Hazami

Oleh Khairina Yasin
kayrina@media-
prima.com.my

“Melakukan kerja sukarelawan kena ikhlas, tidak perlu harapkan apa-apa balasan mahupun penghargaan, namun jika apa yang kita lakukan ini diiktiraf, ia satu ‘bonus’ yang boleh dibanggakan,” itulah reaksi awal penerima Anugerah Ikon Varsiti BH, Wan Akma Hazami Mohd Nasir.

Meraih anugerah bagi kategori Sukarelawan, Wan Akma Hazami sama sekali tidak menyangka inisiatif menganjurkan aktiviti Night Walkz@15 bersama-sama Sekretariat Alumni dan Kolegiat Kolej 15, Universiti Putra Malaysia (UPM) memberi impak besar kepada komuniti kampus dan luar.

Mahasiswa Sarjana Muda Sains Pertanian itu berkata, Night Walkz@15 yang bertemakan Keikhlasan Tanpa Batasan, teretus daripada program Earth Hour yang disambut pada 23 Mac setiap tahun sebagai tanda kepekaan masyarakat global terhadap isu perubahan iklim dan masalah pemanasan global.

“Sepanjang tempoh sejam sambutan Earth Hour, masyarakat bergelap sebagai tanda sokongan kepada program tanpa melakukan apa-apa aktiviti. Saya berfikir kenapa tidak kita laksanakan aktiviti yang bermanfaat dan di situlah timbul idea Night Walkz@15.

“Aktiviti berjalan malam ini berjaya menarik penyertaan lebih 800 mahasiswa bermula dari Bukit Ekspo sehingga ke bangunan MTDC UPM sambil membawa lilin kecil,” katanya.

Manfaat kepada semua

Wan Akma berkata, jadual waktu padat mahasiswa menyebabkan ramai tidak berpeluang untuk bersenam dan Night Walkz adalah inisiatif terbaik untuk kekal sihat sekali gus membudayakan aktiviti senaman pada waktu malam.

Katanya, acara itu juga selari dengan seruan melestarikan UPM sebagai kampus hijau yang mesra alam selain menjadi peng-

» Aktiviti dianjurkan Ikon Varsiti BH 2012 Kategori Individu Sukarelawan beri manfaat kepada semua

hubung antara mahasiswa dan masyarakat.

“Setiap 10 penyertaan mahasiswa dalam Night Walkz@15, satu kampil berasumbangan Padi Beras Nasional Berhad (Bernas) diberikan kepada mereka untuk disalurkan ke rumah anak yatim atau kebajikan terpilih.

“Jika diteliti, impak aktiviti ini dilihat menyeluruh iaitu dari bermula dengan

PROFIL

Nama: Wan Akma Hazami Mohd Nasir

Asal: Kubang Kerian, Kelantan

Adik-beradik: Anak keempat daripada tujuh adik-beradik

Pendidikan: Ijazah Sarjana Muda Sains Pertanian UPM

Pencapaian:

- Penerima Anugerah Ikon BH Varsiti Kategori Kesukarelawan 2012
- Timbalan Presiden Integrasi Dan Pembangunan
- Ahli Majlis Tertinggi Mahasiswa Kolej 15
- Pengerusi Sekretariat Alumni & Kolegiat Majlis Tertinggi Mahasiswa Kolej 15
- Pengarah Program Night Walkz@15 2012
- Pengarah Program ‘Terbaik Kolej 15 2012’
- Penerima Anugerah Dekan Lima Semester Berturut-turut.

inisiatif penjimatan elektrik, kesihatan dan kebajikan dan berdasarkan maklum balas peserta, ramai yang menyatakan sokongan dan merasa keseronokan sepanjang aktiviti ini,” katanya.

Pengalaman berharga

Berhasrat menjadikan Night Walkz sebagai acara tahunan UPM, Wan Akma yakin pengalaman diperoleh menerusi

pelaksanaan aktiviti itu mampu menjadikannya lebih toleransi dan berfikir matang.

Katanya, pengisian aktiviti juga membuatnya lebih peka dan sensitif dengan keperluan serta kehendak masyarakat sekitar apabila berpeluang mendekati anak yatim dan orang tua ketika menyampaikan sumbangan beras kepada rumah kebajikan dan anak yatim.

“Sebagai aset negara dan bakal pewaris kepemimpinan negara, inilah latihan tidak formal yang mampu membentuk mahasiswa menjadi individu berjiwa rakyat dan membentuk daya kepimpinan dalam diri.

“Peranan dimainkan mahasiswa menerusi Night Walkz juga sedikit sebanyak dapat mengu-

rangkan tugas dan tanggungjawab agensi kerajaan atau badan NGO lain dalam menangani isu serta permasalahan yang sering dibangkitkan masyarakat,” katanya.

Wan Akma berharap agar kesukarelawan dapat dibudayakan lagi menerusi pengajuran aktif lebih banyak aktiviti menjurus kesukarelawan di bawah kelolaan mahasiswa sendiri bagi meraih pengalaman dan kemahiran insaniah.

ikon
VARSITI BH

